



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka (“Službeni glasnik BiH”, broj: 95/12 i 41/16), člana 25. Pravilnika o godišnjim finansijskim izvještajima političkih stranaka (“Službeni glasnik BiH”, broj: 96/13 i 89/16), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka (“Službeni glasnik BiH”, broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2016. GODINU HRVATSKE SELJAČKE STRANKE BOSNE I HERCEGOVINE

Broj: 03-07-6-729/16
Sarajevo, 28.06.2018. godine

SADRŽAJ

MIŠLJENJE REVIZORA.....	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole	4
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatske seljačke stranke Bosne i Hercegovine za 2016. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15. Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2016. godinu, utvrđeno je da je Hrvatska seljačka stranka Bosne i Hercegovine prekršila odredbe člana 11. stav (1) i člana 12. stav (1), (3) i (4) Zakona o finansiranju političkih stranaka i člana 15.1 stav (1) Izbornog zakona BiH.

Na osnovu našeg pregleda, odnosno kontrole finansijskog izvještaja, osim gornjih napomena, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Hrvatske seljačke stranke Bosne i Hercegovine za 2016. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2016. godinu, Hrvatska seljačka stranka Bosne i Hercegovine se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	0,00	0,00
II	Ostali prihodi i drugo	2.000,00	100,00
	Izvori finansiranja (I+II)	2.000,00	100,00

Prema podacima iz godišnjeg finansijskog izvještaja, stranka nije iskazala rashode.

2. PREDSTAVLJANJE POLITIČKE STRANKE

Naziv političke stranke je Hrvatska seljačka stranka Bosne i Hercegovine. Skraćeni naziv je HSS BiH.

Stranka je registrovana kod Općinskog suda u Mostaru dana 29.02.2016. godine, Rješenjem broj: R/3-16.

Sjedište političke stranke je u Mostaru, ulica Kralja Tomislava 99/IX¹.

Lice ovlašteno za zastupanje stranke je Ante Jukić, predsjednik stranke.

Lice ovlašteno za podnošenje finansijskih izvještaja za 2016. godinu je Jakov Marić.

Prema podacima iz godišnjeg finansijskog izvještaja za 2016. godinu, Hrvatska seljačka stranka Bosne i Hercegovine nema niže organizacione dijelove.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Hrvatske seljačke stranke Bosne i Hercegovine za 2016. godinu.

¹ Predsjednik Hrvatske seljačke stranke BiH, g-din Ante Jukić putem e-maila od 23.11.2017. godine, uputio je obavijest da se akti šalju na adresu u Posušju, ulica Busari bb.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

Obim pregleda i kontrole finansijskog izvještaja Hrvatske seljačke stranke Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja, sa posebnim naglaskom na prihode od donacija fizičkih lica i troškove kampanje.

4. PRETHODNE KONTROLE I REVIZIJE

Pregled i kontrola godišnjeg finansijskog izvještaja Hrvatske seljačke stranke Bosne i Hercegovine obavlja se prvi put.

5. NALAZI I PREPORUKE

5.1. NALAZI

a) Pregledom godišnjeg finansijskog izvještaja utvrđeno je da je Hrvatska seljačka stranka Bosne i Hercegovine prekršila odredbe člana 11. stav (1)² i člana 12. stav (1), stav (3)³ i (4)⁴ Zakona o finansiranju političkih stranaka.

Pregledom godišnjeg finansijskog izvještaja za 2016. godinu i druge dokumentacije, utvrđeno je da stranka nije vodila poslovne knjige⁵, nije uspostavila tačnu evidenciju o rashodima, nije podnijela finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine i nije godišnji finansijski izvještaj za 2016. godinu podnijela u zakonom propisanom roku i na način kako je propisala Centralna izborna komisija BiH i sa Pravilnikom o godišnjim finansijskim izvještajima političkih stranaka - u daljem tekstu: Pravilnik, čime je prekršila odredbe člana 11. stav (1) i člana 12. stav (1), (3) i (4) Zakona o finansiranju političkih stranaka.

(1) Stranka nije pravilno popunila obrasce 3 (ukupni prihodi) i 3-a (prilozi fizičkih lica) finansijskog izvještaja, čime je prekršila odredbe člana 13. i člana 14. Pravilnika o godišnjim finansijskim izvještajima.

Hrvatska seljačka stranka Bosne i Hercegovine je u obrascu 3 iskazala kao ostale prihode iznos od 2.000,00 KM. Kontrolom izvoda sa transakcijskog računa stranke i na osnovu dostavljene potvrde o donaciji⁶, utvrđeno je da je stranka dobila prilog od fizičkog lica u iznosu od 2.000,00 KM koji je trebala da iskaže na obrascu 3-a godišnjeg finansijskog izvještaja.

² Politička stranka dužna je voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom.

³ Politička stranka podnosi poseban finansijski izvještaj za period izborne propagande na način kako je utvrđeno Izbornim zakonom BiH.

⁴ Do 31. marta naredne godine politička stranka podnosi finansijski izvještaj u formi koju odobri Centralna izborna komisija Bosne i Hercegovine.

⁵ Hrvatska seljačka stranka BiH je dostavila izjavu od 20.09.2017. godine da nije vodila poslovne knjige zbog oskudnog priliva sredstava.

⁶ Stranka je izdala potvrdu o primljenom prilogu od fizičkog lica dana 18.05.2016. godine.

- (2) Hrvatska seljačka stranka Bosne i Hercegovine u obrascima 4. (rashodi političke stranke), 4.1 (režijsko-administrativni i ostali troškovi) nije iskazala rashode, čime su prekršene odredbe člana 12. stav (1) i (4) Zakona o finansiranju političkih stranaka i člana 21. i 22. Pravilnika o godišnjim finansijskim izvještajima političkih stranaka.

Pregledom godišnjeg obračuna za 2016. godinu utvrđeno je da su evidentirani ukupni rashodi u iznosu od 1.495,00 KM, koje stranka nije iskazala u obrascima 4 i 4.1 godišnjeg finansijskog izvještaja.

Kontrolom izvoda sa transakcijskog računa, utvrđeno je da je stranka uplatila taksu za učešće na izborima u iznosu od 1.400,00 KM i 95,00 KM provizije. Na osnovu Odluke Centralne izborne komisije BiH o povratu uplaćenog novčanog iznosa takse za ovjeru, broj: 06-1-07-3-1513/16 od 14.12.2016. godine, utvrđeno je da su stranci vraćena sredstva od takse u iznosu od 300,00 KM i uplaćena na transakcijski račun stranke broj: 1610000157920085 kod Raiffeisen banke, te je time stranka troškove takse za izbore imala u iznosu od 1.100,00 KM, odnosno ukupne troškove u iznosu od 1.195,00 KM koje je trebala iskazati u godišnjem finansijskom izvještaju i evidentirati u godišnjem obračunu za 2016. godinu.

- (3) Politička stranka je godišnji finansijski izvještaj za 2016. godinu dostavila nakon zakonom propisanog roka, čime je prekršila odredbe člana 12. stav (4) Zakona o finansiranju političkih stranaka.

Uvidom u službene evidencije, utvrđeno je da je stranka godišnji finansijski izvještaj za 2016. godinu dostavila dana 26.04.2017. godine, tj. nakon zakonom propisanog roka⁷.

b) Hrvatska seljačka stranka Bosne i Hercegovine nije postupila u skladu sa odredbama člana 12. stav (3) Zakona o finansiranju političkih stranaka i odredbama člana 15.1 stav (1)⁸ Izbornog zakona Bosne i Hercegovine.

Hrvatska seljačka stranka Bosne i Hercegovine nije dostavila finansijski izvještaj za period od dana podnošenja prijave za ovjeru za izbore do dana objave zvaničnih rezultata Lokalnih izbora održanih u oktobru 2016. godine, čime je prekršila odredbe člana 12. stav (3) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine⁹.

Troškovi izborne kampanje

Hrvatska seljačka stranka Bosne i Hercegovine u godišnjem finansijskom izvještaju iskazala je troškove izborne kampanje u iznosu od 0,00 KM.

Prema odredbama člana 15.10 Izbornog zakona Bosne i Hercegovine politička stranka za potrebe izborne kampanje ne smije potrošiti više od 0,30 odnosno 0,20 KM¹⁰ po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije Bosne i Hercegovine, Hrvatska seljačka stranka Bosne i Hercegovine je u svrhu izborne kampanje mogla da potroši 90.547,05 KM.

⁷ Rok za dostavljanje postizbornog finansijskog izvještaja bio je 01.12.2016. godine

⁸ Politička stranka i nezavisni kandidat koji učestvuju na izborima za organe vlasti Bosne i Hercegovine na svim nivoima dužni su, u vrijeme podnošenja pšrijave za ovjeru za učešće na izborima, Centralnoj izornoj komisiji BiH podnijeti finansijski izvještaj za period koji počinje tri mjeseca prije dana podnošenja prijave za ovjeru. Osim toga, u roku od trideset dana od dana objavljivanja izbornih rezultata u Službenom glasniku BiH, podnosi se i finansijski izvještaj za period od dana podnošenja prijave za ovjeru za izbore do dana ovjere rezultata izbora.

⁹ Rok za dostavljanje postizbornog finansijskog izvještakja bio je 01.12.2016. godine.

¹⁰ Član 15.10 stav (2) propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

Na zahtjev Centralne izborne komisije BiH koji je upućen političkoj stranci, da odgovori na koji način je finansirala izbornu kampanju, te u kom iznosu, s obzirom da u finansijskom izvještaju nije prijavila troškove kampanje, stranka je dostavila izjavu u kojoj je navela da nisu imali troškove kampanje.¹¹

5.2. PREPORUKE

Preporučuje se Hrvatskoj seljačkoj stranci Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da vodi poslovne knjige u skladu sa računovodstvenim propisima,*
- *da uspostavi potpune i tačne evidencije o svojim rashodima,*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i*
- *da finansijske izvještaje podnosi u rokovima propisanim Zakonom o finansiranju političkih stranaka i odredbama člana 15.1 stav (1) Izbornog zakona Bosne i Hercegovine.*

KOMENTAR

Politička stranka Hrvatska seljačka stranka Bosne i Hercegovine nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2016. godinu.

Pomoćnik revizora

Mr.sc. Goran Cicović

Šef Službe za reviziju

Mr.sc. Hasida Gušić

¹¹ Izjava Hrvatske seljačke stranke Bosne i Hercegovine od 26.11.2017. godine.